

13098/24

**Comhad Idirinstitiúideach:
2022/0406(COD)**

**CODEC 1764
DRS 64
COMPET 876
ECOFIN 959
EF 273
PE 207****NÓTA FAISNÉISE**

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Togra le haghaidh TREOIR Ó PHARLAIMINT NA hEORPA AGUS ÓN gCOMHAIRLE maidir le struchtúir scaireanna ilvótaí i gcuideachtaí a fhéachann lena scaireanna a ligean isteach chun a dtrádála ar mhargadh fáis FBM (an chéad léamh) - An Toradh ar an gcéad léamh ó Pharlaimint na hEorpa agus an nós imeachta ceartúcháin (Strasbourg, an 24 Aibreán agus an 17 Meán Fómhair 2024)

I. RÉAMHRÁ

I gcomhréir le forálacha Airteagal 294 den Chonradh ar Fheidhmiú an Aontais Eorpaigh agus an dearbhú comhpháirteach maidir le socruithe praiticiúla i ndáil leis an nós imeachta comhchinnteoireachta¹, bhí roinnt teagmhálacha neamhfhoirmiúla ann idir an Chomhairle, Parlaimint na hEorpa agus an Coimisiún d'fhonn teacht ar chomhaontú faoin gcomhad reachtach seo ar an gcéad léamh.

Measadh go rachadh an comhad sin² faoi réir an nós imeachta ceartúcháin³ i bParlaimint na hEorpa tar éis don Pharlaimint a bhí ann roimhe seo an seasamh uaithi a ghlacadh ar an gcéad léamh.

¹ IO L 145, 30.6.2007, lch. 5.

² 10078/24.

³ Rial 251, Rialacha Nós Imeachta Parlaimint na hEorpa.

II. AN VÓTÁIL

Ag an gcruinniú a bhí ag Parlaimint na hEorpa an 24 Aibreán 2024, ghlac sí leasú 2 (gan athbhreithniú dlítheangeolaíoch) ar an togra ón gCoimisiún agus rún reachtach, arb é seasamh Parlaimint na hEorpa ar an gcéad léamh é. Léirítear ann an méid a comhaontaíodh go sealadach idir na hInstitiúidí roimhe sin.

An 17 Meán Fómhair 2024, tar éis do na dlítheangeolaithe bailchríoch a chur ar an téacs a glacadh, d'fhormheas Parlaimint na hEorpa ceartúchán ar an seasamh a glacadh ar an gcéad léamh.

Faoi chuimsiú an cheartúcháin sin, ba cheart don Chomhairle seasamh Parlaimint na hEorpa a fhormheas, mar a leagtar amach san Iarscríbhinn⁴ a ghabhann leis seo é, rud a thabharfadh an chéad léamh chun deiridh i gcás an dá Institiúid.

D'fhéadfaí an gníomh a ghlacadh ina dhiaidh sin san fhoclaíocht a fhreagraíonn don seasamh ón bParlaimint.

⁴ Leagtar amach téacs an cheartúcháin san Iarscríbhinn. Cuirtear i láthair mar théacs comhdhlúite é, agus léirítear athruithe ar an togra ón gCoimisiún i gcló trom iodálach. Is leis an tsiombail ‘■’ a léirítear téacs a scriosadh.

P9_TA(2024)0352

Struchtúir scaireanna ilvótaí i gcuideachtaí a fhéachann lena scaireanna a ligean isteach chun trádála ar mhargadh fáis FBManna

Rún reachtach ó Pharlaimint na hEorpa an 24 Aibreán 2024 ar an togra le haghaidh treoir ó Pharlaimint na hEorpa agus ón gComhairle maidir le struchtúir scaireanna ilvótaí i gcuideachtaí a fhéachann lena scaireanna a ligean isteach chun a dtrádála ar mhargadh fáis FBM (COM(2022)0761 – C9-0416/2022 – 2022/0406(COD))

(An gnáthnós imeachta reachtach: an chéad léamh)

Tá Parlaimint na hEorpa,

- ag féachaint don togra ón gCoimisiún chuig Parlaimint na hEorpa agus chuig an gComhairle (COM(2022)0761),
 - ag féachaint d’Airteagal 294(2) agus Airteagal 50(1), Airteagal 50(2), pointe (g), agus Airteagal 114 den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Pharlaimint na hEorpa (C9-0416/2022),
 - ag féachaint d’Airteagal 294(3) den Chonradh ar Fheidhmiú an Aontais Eorpaigh,
 - ag féachaint do thuairim ó Choiste Eacnamaíoch agus Sóisialta na hEorpa an 23 Márta 2023¹,
 - ag féachaint don chomhaontú sealadach a d’fhorpheas an coiste freagrach faoi Riail 74(4) dá Rialacha Nós Imeachta agus don gheallúint a thug ionadaí na Comhairle i litir dar dáta an 14 Feabhra 2024 go ndéanfaidh sí seasamh Parlaimint na hEorpa a fhorpheas, i gcomhréir le hAirteagal 294(4) den Chonradh ar Fheidhmiú an Aontais Eorpaigh,
 - ag féachaint do Riail 59 dá Rialacha Nós Imeachta,
 - ag féachaint don tuairim ón gCoiste um Ghnóthaí Dlíthiúla,
 - ag féachaint don tuarascáil ón gCoiste um Ghnóthaí Eacnamaíochta agus Airgeadaíochta (A9-0300/2023),
1. ag glacadh a seasaimh ar an gcéad léamh mar a leagtar amach ina dhiaidh seo é;

¹ IO C 184, 25.5.2023, lch. 103.

2. á iarraidh ar an gCoimisiún an t-ábhar a tharchur chuig Parlaimint na hEorpa arís má dhéanann sé téacs eile a chur in ionad a thogra, má dhéanann sé a thogra a leasú go substaintiúil nó má tá sé ar intinn aige a thogra a leasú go substaintiúil;
3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

Seasamh ó Pharlaimint na hEorpa arna ghlacadh ar an gcéad léamh an 24 Aibreán 2024 chun go nglacfaí Treoir (AE) 2024/... ó Pharlaimint na hEorpa agus ón gComhairle maidir le struchtúir scaireanna ilvótaí i gcuideachtaí a iarrann go ligfí isteach a scaireanna chun a dtrádála ar *shaoráid trádála iltaobhach*

(Téacs atá ábhartha maidir leis an LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 50(1), Airteagal 50(2), pointe (g), agus Airteagal 114 de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na Parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa¹,

Ag gníomhú dóibh i gcomhréir leis an ngnáthnós imeachta reachtach²,

¹ IO C 184, 25.5.2023, lch. 103.

² Seasamh ó Pharlaimint na hEorpa an 24 Aibreán 2024 (nár foilsíodh fós san Iris Oifigiúil) agus cinneadh ón gComhairle an

De bharr an mhéid seo a leanas:

- (1) Chun go mbeidh sé níos tarraingtí *a bheith ar liosta na n-ionad trádála ar a ndírionn fiontair bheaga agus mheánmhéide (FBManna) go príomha*, amhail margaí fáis *FBManna* agus *saoráidí trádála iltaobhacha (MTFanna) eile, agus, ar an gcaoi sin, go gcuirfí lena gcumas cistí a thiomsú ar MTFanna, agus* chun neamhionannais a laghdú i gcás cuideachtaí atá ag iarraidh go ligfí isteach iad chun trádála sa mhargadh inmheánach, is gá aghaidh a thabhairt ar bhacainní ar an rochtain ar MTFanna a eascraíonn as bacainní rialála.
- (2) Is *dispreagadh mór* an eagla a bhíonn ar na scairshealbhóirí rialaithe go gcaillfí rialú ar *an* gcuideachta, má chuirtear ar *mhargadh poiblí, amhail MTF, í*. Is gnách go mbíonn caolú úinéireachta do na scairshealbhóirí rialaithe i gceist leis an ligean isteach chun trádála, rud a laghdaíonn a dtionchar ar chinntí tábhachtacha infheistíochta agus oibriúcháin. D'fhéadfadh sé go háirithe go mbeadh tábhachtach faoi leith á leagan ag scairshealbhóirí rialaithe na ngnólachtaí nuathionscanta agus na gcuideachtaí ag a bhfuil tionscadail fhadtéarmacha a dteastaíonn costais tosaigh nach beag ina leith ar rialú na cuideachta a choinneáil, toisc go mb'fhéidir gur mhian leo a bhfís a chur chun cinn gan a bheith ró-neamhchosanta ar luaineachtaí sa mhargadh.

- (3) Ba cheart cuideachtaí, agus iad *faoi réir coimircí arna mbunú faoi dhlí an Aontais agus faoin dlí náisiúnta*, a bheith in ann na struchtúir *chaipitil agus rialachais* is fearr a oireann don chéim forbartha acu a roghnú, lena n-áirítear trí na scairshealbhóirí rialaithe ■ a chumasú chun rialú a choinneáil ar an gcuideachta tar éis dóibh rochtain a fháil ar *MTFanna, ar a n-áirítear* margáí fáis FBManna, agus tairbhe á baint acu ag an am céanna as na sochair a bhaineann le trádáil ar na MTFanna sin, ar choinníoll go ndéantar cearta na scairshealbhóirí *a bhfuil cearta vótála níos ísle acu* a chosaint.
- (4) Is sásra *um rialú a fheabhsú* é struchtúr scaireanna ilvótaí (MVS) chun cur ar chumas scairshealbhóirí rialaithe an chumhacht chinnteoireachta a choinneáil i gcuideachta, agus cistí a chruinniú ón bpobal ag an am céanna. *Baineann* dhá aicme ar leithligh scaireanna ar a laghad le struchtúr MVS, agus tá líon éagsúil *vótaí in aghaidh na scaire ag gach ceann acu*. Faoi *struchtúr* den sórt sin, is ísle *líon na vótaí in aghaidh na scaire* atá ag ceann amháin ar a laghad de na haicmí scaireanna ná mar atá ag aicme nó aicmí eile scaireanna le cearta vótála. MVS is ea scair lena ngabhann *líon níos airde* vótaí. *Ní struchtúr nach gcinntear difríochtaí i gcearta vótála ach amháin de réir luachanna ainmniúla éagsúla scaireanna ann é struchtúr MVS mar a shainmhínítear sa Treoir seo.*
- (5) *Aon* sásra chun rialú a fheabhsú ■ lena ngiaráiltear *cearta* vótála, *seachas* struchtúr MVS, *amhail* scaireanna nach mbaineann vóta leo agus *scaireanna* ■ *a mbaineann ceart crosta leo i gcás cinntí áirithe, níor cheart é a bheith teacht faoi raon feidhme na Treorach seo.*
- (6) Tugann scaireanna dílseachta ■ *líon breise vótaí* do scairshealbhóir ■ a shealbhaíonn na scaireanna ar feadh tréimhse ainmnithe agus a chomhlíonann coinníollacha áirithe. Dá bhrí sin, is *sásra chun rialú a fheabhsú* iad scaireanna dílseachta, a cheaptar chun ■ úinéireacht níos fadtéarmaí a chothú i measc infheisteoirí seachas cur leis an tarraingteacht a bhaineann le cistí a chruinniú ón bpobal. Níl sé iomchuí, dá bhrí sin, scaireanna dílseachta a áireamh faoi raon feidhme na Treorach seo.

- (7) Tá difríochtaí suntasacha idir na forálacha náisiúnta maidir le **struchtúir MVS** ar fud na mBallstát. Ceadáíonn roinnt Ballstát struchtúir **MVS**, agus cuireann roinnt eile toirmeasc orthu. I roinnt Ballstát, tá toirmeasc den sórt sin teoranta do chuideachtaí poiblí, agus i roinnt Ballstát eile tá feidhm aige maidir le gach cuideachta. Leis na difríochtaí sna córais náisiúnta, cruthaítear bacainní ar shaorghluaiseacht an chaipitil laistigh den mhargadh inmheánach **agus** cruthaítear éagothroime iomaíochta do chuideachtaí i mBallstáit éagsúla mar gheall orthu. Ní mór do chuideachtaí atá i mBallstát a chuireann toirmeasc ar struchtúir **MVS** bogadh chuig Ballstát eile nó fiú lasmuigh den Aontas, **áit a mbeidh costais níos airde orthu**, más mian leo **struchtúr MVS a ghlacadh d'fhonn a iarraidh go ligfí isteach iad chun a scaireanna a thrádáil ar mhargadh**. I gcásanna áirithe, mar gheall ar na costais níos airde sin, d'fhéadfadh cuideachtaí cinneadh a dhéanamh gan cistí a chruinniú ón bpobal, rud a d'fhéadfadh teorainn a chur le deiseanna maoinithe na gcuideachtaí sin. Tá breithnithe den sórt sin ábhartha go háirithe do FBManna agus do ghnólachtaí nuathionscanta nach bhfuil acmhainní airgeadais acu chun na costais sin a chumhdach.
- (8) **Chun** go mbeidh cuideachtaí in ann a iarraidh go ligfí isteach chun trádála ar **MTF** iad gan iallach a bheith ar a scairshealbhóirí rialaithe scaradh le hurlámhas rialú, **ba cheart do na Ballstáit deis a thabhairt do na cuideachtaí na struchtúir MVS a ghlacadh nó iad a mhodhnú d'fhonn a iarraidh go ligfí isteach chun trádála ar MTF iad. Níor cheart d'fhéidearthacht den sórt sin a bheith coinníollach ar chearta eacnamaíocha feabhsaithe a sholáthar i gcás scaireanna nach MVS iad.**

- (9) *Cé go bhfuil an cead isteach chun trádála ar mhargaí rialáilte níos oiriúnaí do chuideachtaí atá níos mó agus níos aibí, is iondúil go mbíonn MTFanna níos iomchuí do FBManna. Thairis sin, ceapadh margáí fáis FBManna, ar fochatagóir MTF iad, go sonrach mar ionaid trádála tiomanta do FBManna le cóir rialála a chuireann sainiúlachtaí FBManna san áireamh. Ní FBM í gach cuideachta a bhfuil urrúis aici agus atá liostaithe ar MTFanna, áfach. Ceanglaítear le Treoir 2014/65/AE ó Pharlaimint na hEorpa agus ón gComhairle³, chun go gclárófar MTF mar mhargadh fáis FBManna, gur FBManna iad 50 % ar a laghad d'eisitheoirí a ligtear a n-ionstraimí airgeadais isteach chun a dtrádála ar an MTF sin. De ghnáth, bíonn urrúis níos leachtaí ag cuideachtaí nach FBManna iad agus, dá bhrí sin, nuair a ligtear isteach in MTFanna iad, is féidir táillí trádála níos airde a ghiniúint sna MTFanna chun brabúsacht a samhla gnó a choinneáil. Mar sin féin, chun soiléire a áirithiú d'infheisteoirí, tá gach eisitheoir ar mhargaí fáis FBManna, gan beann ar a méid, faoi réir na rialacha céanna faoi láthair. Is amhlaidh atá i gcás na n-eisitheoirí maidir le MTFanna eile. Is iomchuí, dá bhrí sin, go mbeidh feidhm ag tabhairt isteach an chirt maidir leis na struchtúir MVS a ghlacadh nó a mhodhnú d'fhonn a iarraidh go ligfí isteach chun trádála iad, maidir le gach cineál cuideachta a liostaítear in Iarscríbhinn II a ghabhann le Treoir (AE) 2017/1132 ó Pharlaimint na hEorpa agus ón gComhairle⁴ a mhéid is féidir le cuideachtaí den sórt sin, faoin dlí náisiúnta, scaireanna a eisiúint agus a iarraidh go ligfí isteach iad chun a scaireanna a thrádáil ar MTF.*

³ *Treoir 2014/65/AE ó Pharlaimint na hEorpa agus ón gComhairle an 15 Bealtaine 2014 maidir le margáí in ionstraimí airgeadais agus lena leasaítear Treoir 2002/92/CE agus Treoir 2011/61/AE (IO L 173, 12.6.2014, lch. 349).*

⁴ *Treoir (AE) 2017/1132 ó Pharlaimint na hEorpa agus ón gComhairle an 14 Meitheamh 2017 maidir le gnéithe áirithe de dhlí na gcuideachtaí (códú) (IO L 169, 30.6.2017, lch. 46).*

- (10) Ba cheart na Ballstáit a bheith in ann forálacha náisiúnta a thabhairt isteach nó a choinneáil i bhfeidhm, forálacha lena gceadaítear do chuideachtaí na struchtúir *MVS* sin a ghlacadh nó a *mhodhnú* chun críocha eile seachas ■ a iarraidh go ligfí isteach iad chun scaireanna a thrádáil ar *MTF*. Áirítear leis sin, *inter alia*, cead a thabhairt do chuideachtaí struchtúr *MVS* a ghlacadh nó a *mhodhnú* agus iad ag iarraidh go ligfí isteach chun trádála ■ ar mhargadh rialáilte iad, nó a áirithiú gur féidir le cuideachtaí príobháideacha struchtúir *scaireanna ilvótaí* a ghlacadh nó a *mhodhnú gan é a bheith ar intinn acu* a iarraidh go ligfí isteach iad chun a scaireanna a thrádáil. *Áirítear leis sin freisin* cásanna ina n-aistríonn cuideachtaí ó *MTF* go margadh rialáilte, agus *MVS* á gcoinneáil acu ag an am céanna. *Ba cheart na Ballstáit a bheith in ann struchtúir MVS a thoirmeasc nó a shrianadh chun críocha eile seachas a iarraidh go ligfí isteach iad chun scaireanna a thrádáil ar MTF.*
- (11) *De ghnáth, is gá leasú a dhéanamh ar airteagail chomhlachais cuideachta chun struchtúr MVS a ghlacadh nó a mhodhnú, d'fhonn a iarraidh go ligfí isteach chun trádála í. Chun a fhoráil go gcaithfear go cothrom le scairshealbhóirí, ba cheart do na Ballstáit a cheangal gur cheart glacadh nó modhnú struchtúir MVS d'fhonn a iarraidh go ligfí isteach ■ chun trádála í, chomh maith le haon mhodhnú ina dhiaidh sin ar struchtúr MVS ar bhealach a dhéanann difear do na cearta vótála, gur cheart iad a bheith faoi réir cinneadh ó chruinniú ginearálta na scairshealbhóirí ('cruinniú ginearálta') trí thromlach cáilithe ar a laghad mar a shonraítear faoin dlí náisiúnta. I gcás ina bhfuil roinnt aicmí scaireanna ann, ba cheart cinntí den sórt sin a bheith faoi réir vóta ar leithligh freisin i ngach aicme scaireanna a ndéantar difear dá gcearta.*

(12) *Ba cheart solúbthacht a bheith ag cuideachtaí maidir leis an tráth a ghlacfar nó a mhodhnófar na struchtúir MVS, ar choinníoll go ndéantar glacadh nó modhnú den sórt chun go ligfí isteach chun trádála ar MTF iad. Níor cheart do na Ballstáit toirmeasc a chur ar chuideachtaí struchtúir MVS a ghlacadh ná a mhodhnú roimh an nóiméad a ligfear na scaireanna isteach chun a dtrádála ar MTF. Ba cheart, na Ballstáit, áfach a bheith in ann a cheangal go mbeadh feidhmiú na gceart vótála feabhsaithe, ar vótaí breise iad a ghabhann le MVS, murab ionann agus vótaí scaireanna ó aicmí eile, coinníollach ar scaireanna na cuideachta a ligeadh isteach chun trádála ar MTF. Sa chás sin agus go dtí go ligfear scaireanna ilvótaí isteach chun a dtrádála, ba cheart na cearta vótála céanna a bheith ag MVS agus atá ag cineálacha eile scaireanna sa chuideachta. D'áiríteofaí leis sin go gcuirfí ligean isteach chun trádála ar MTF chun cinn go sonrach le MVS.*

(13) *D'fhéadfadh struchtúr MVS cur leis an mbaol go mbainfeadh scairshealbhóirí rialaithe sochair phríobháideacha ón gcuideachta. Sna Ballstáit a cheadaíonn MVS cheana, foráiltear do choimircí chun na scairshealbhóirí a **bhfuil scaireanna acu lena ngabhann cearta vótála níos ísle a chosaint**. Tá éagsúlacht sna coimircí atá ann cheana idir na Ballstáit i ngeall ar shainiúlachtaí náisiúnta agus ar chórais éagsúla dlí cuideachtaí. **D'ainneoin an athraithe sin, agus** ag féachaint do chuspóirí an mhargaidh inmheánaigh mar a leagtar amach iad go háirithe in Airteagal 50(2), pointe (g), den Chonradh ar Fheidhmiú an Aontais Eorpaigh (CFAE), ba cheart an **cur chuige** sa dlí náisiúnta maidir le struchtúir MVS a mhéid a bhaineann le cosaint leasanna na **scairshealbhóirí ag a bhfuil scaireanna lena gabhann ceart vótála níos ísle, ba cheart iad a chomhordú i gcás cuideachtaí atá ag feidhmiú a gcirt faoin Treoir seo** chun struchtúr MVS a ghlacadh agus a mhodhnú chun go ligfí isteach chun trádála ar MTF iad.*

- (14) *Faoi gcur chuige comhordaithe do chuideachtaí a fheidhmíonn a gceart faoi Treoir seo maidir le struchtúr MVS a ghlacadh nó a mhodhnú d'fhonn a iarraidh go ligfí isteach chun a dtrádála ar MTF iad, ba cheart do na Ballstáit a fhoráil go gcaitear go cothrom le scairsealbhóirí trí shrian a thabhairt isteach ar cheapadh na struchtúr MVS lena socraítear cóimheas uasta líon na vótaí a ghabhann le scaireanna ilvótaí le líon na vótaí a ghabhann le scaireanna a bhfuil na cearta vótála is lú acu. De rogha air sin, gan dochar do Threoir (AE) 2017/1132, ba cheart do na Ballstáit srian a thabhairt isteach i dtaca le cinntí ón gcruinniú ginearálta, faoi réir thromlach cáilithe na vótaí arna gcaitheamh, cé is moite de chinntí maidir le comhaltaí de chomhlachtaí riaracháin, bainistíochta agus maoirseachta na cuideachta a cheapadh agus a bhriseadh as a bpost chomh maith le cinntí oibríochtúla a bheidh le déanamh ag comhlachtaí den sórt sin agus a chuirtear faoi bhráid an chruinnithe ghinearálta lena bhformheas trína cheangal go ríomhtar an tromlach cáilithe ar bhonn líon iomlán na vótaí a caitheadh agus ar bhonn an scairchaipitil a rinneadh ionadaíocht air ag an gcruinniú ginearálta nó ar bhonn líon iomlán na scaireanna a rinneadh ionadaíocht orthu ag an gcruinniú ginearálata agus líon iomlán na vótaí a caitheadh i ngach aicme scaireanna a ndéanann an cinneadh difear dóibh. Chun críocha na Treorach seo, ba cheart a mheas go ndéanann cinneadh difear d'aicme scaireanna má bhíonn tionchar diúltach ag an gcinneadh sin ar chearta na scairsealbhóirí san aicme shonrach scaireanna sin.*

- (15) Ba cheart é a bheith de rogha ag na Ballstáit *coimircí breise* a thabhairt isteach agus *a choimeád* chun cosaint leordhóthanach a áirithiú *do leasanna* scairshealbhóirí *nach bhfuil MVS ina seilbh acu, amhail clásal éagtha*. Ba cheart do na Ballstáit measúnú a dhéanamh ar oiriúnacht coimircí *den sórt sin* i bhfianaise a éifeachtaí atá siad ó thaobh leasanna scairshealbhóirí *den sórt sin* a chosaint ■, agus é á áirithiú acu ag an am céanna nach gcuireann *na* coimircí sin deireadh le cuspóir na struchtúr *MVS, inter alia* go bhféadfadh *sealbhóirí MVS tionchar a imirt ar chomhaltaí chomhlachtaí riaracháin, bainistíochta agus maoirseachta na cuideachta a cheapadh nó a bhriseadh as a bpost agus, dá réir sin, ar chinntí oibríochtúla na cuideachta. Agus príomhbhearta an dlí náisiúnta arna nglacadh sa réimse a chumhdaítear leis an Treoir seo á gcur in iúl, ba cheart do na Ballstáit aon choimircí breise a chur in iúl don Choimisiún freisin, lena n-áirítear nuair a thiocfaidh athrú ar aon choimircí. Cuirfidh an Coimisiún an tÚdarás Maoirseachta Eorpach (an tÚdarás Eorpach um Urrúis agus Margat) (ESMA) arna bhunú le Rialachán (AE) Uimh. 1095/2010 ó Pharlaimint na hEorpa agus ón gComhairle⁵ ar an eolas faoi aon choimircí breise.*
- (16) Mar bhunchloch, ní mór faisnéis chruinn *chuimsitheach* faoi chuideachtaí a nochtadh chun go mbeidh na hinfheisteoirí muiníneach agus beidh *gá leis sin* chun cinnteoireacht infheistíochta eolasach a dhéanamh. Tá cinnteoireacht infheistíochta eolasach den sórt sin riachtanach ó thaobh chosaint na n-infheisteoirí agus éifeachtúlacht an mhargaidh araon de. Dá bhrí sin, ba cheart do na Ballstáit a cheangal ar chuideachtaí atá ag *feidhmiú a gcirt faoin Treoir seo* chun struchtúr *MVS a ghlacadh nó a mhodhnú* ■ *faisnéis maidir* lena struchtúr scaireanna ■ tráth a ligtear isteach chun a dtrádála *ar MTF iad a fhoilsiú i réamheolaire nó doiciméad um ligean isteach, i gcás ina bhfoilsíonn an chuideachta réamheolaire nó doiciméad den sórt sin i gcomhréir leis an dlí ábhartha*. Ba cheart do na Ballstáit a cheangal ar chuideachtaí a fheidhmíonn a gceart faoin Treoir seo chun struchtúr *MVS a ghlacadh nó a mhodhnú d'fhonn a iarraidh go ligfí isteach chun trádála ar MTF iad an fhaisnéis sin maidir lena struchtúr scaireanna a fhoilsiú in aon tuarascáil airgeadais bhliantúil a cheanglaítear leis an dlí a luaithe a ligtear isteach a scaireanna chun a dtrádála i gcásanna nár foilsíodh an fhaisnéis sin cheana nó nár athraíodh í ó foilsíodh go deireanach í.*

⁵ *Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margat), lena leasaítear Cinneadh Uimh. 716/2009/CE agus lena n-aisghairtear Cinneadh Uimh. 2009/77/CE ón gCoimisiún (IO L 331, 15.12.2010, lch. 84).*

- (17) *I measc na faisnéise maidir le struchtúr scaireanna cuideachta atá le cur sanáireamh i réamheolairí, i ndoiciméid um ligean isteach nó i dtuarascálacha airgeadais bliantúla, ba cheart do na Ballstáit a cheangal ar chuideachtaí a lua an bhfuil aon teorainn le hinaistritheacht na scaireanna. Ba cheart a lua i bhfaisnéis den sórt sin freisin an bhfuil aon srian ar chearta vótála, lena n-áirítear teorainneacha ar chearta vótála sealbhóirí de chéatadán áirithe vótaí nó de líon áirithe vótaí, spriocdhátaí chun cearta vótála a fheidhmiú, nó córais trína ndéantar na cearta airgeadais a ghabhann le scaireanna a dheighilt ó scaireanna a shealbhú. Ina theannta sin, cuideachtaí a fheidhmíonn a gceart faoin Treoir seo chun struchtúr MVS a ghlacadh nó a mhodhnú d'fhonn a iarraidh go ligfí isteach chun trádála ar MTF iad, ba cheart dóibh, a mhéid is eol don chuideachta, céannacht sealbhóirí MVS arb ionann iad agus níos mó ná 5 % de chearta vótála na scaireanna uile sa chuideachta ('scairshealbhóirí móra') chomh maith le daoine nádúrtha nó eintitis dhlíthiúla atá i dteideal cearta vótála a fheidhmiú thar ceann scairshealbhóirí móra a nochtadh. Chuirfeadh sé sin ar chumas na n-infheisteoirí, mar bhaill den phobal i gcoitinne, cinntí eolasacha a dhéanamh agus ar an gcaoi sin a muinín i margaí caipitil a fheidhmíonn go maith a neartú. I gcás inar mian le scairshealbhóirí rialaithe cuideachta cumhachtaí cinnteoireachta a choinneáil sa chuideachta agus cistí a thiomsú ar mhargadh poiblí ag an am céanna, tá gá le faisnéis faoi, inter alia, na scairshealbhóirí móra chun go mbeidh infheisteoirí ionchasacha in ann cinntí fóna infheistíochta a dhéanamh. I gcás ina mbaineann an nochtadh sin le daoine nádúrtha, ba cheart an fhaisnéis maidir leis an gcéannacht a theorannú dá n-ainm.*

- (18) *Chun trédhearcacht, tuiscint phoiblí agus cinnteoireacht infheistíochta eolasach a chur chun cinn, ba cheart scaireanna cuideachtaí a bhfuil struchtúir MVS acu a shainaithint go soiléir. D'fhéadfaí an tsainaithint sin a bhaint amach, mar shampla, trí mharcóir a d'úsáid oibreoirí margaidh nó gnólachtaí infheistíochta a oibríonn MTF a áireamh in ainm stoic cuideachtaí den sórt sin. Chun comhchuibhiú comhsheasmhach a áirithiú, ba cheart do ESMA dréachtchaighdeán theicniúla rialála a fhorbairt, agus caighdeán mhargaidh sheanbhunaithe agus cleachtais dhea-fheidhmiúla á gcur san áireamh. Ba cheart, leis na dréachtchaighdeán theicniúla rialála sin, sainaithint scaireanna mar sin a chinneadh, agus scaireanna den sórt sin amháin agus, dá bhrí sin, níor cheart dóibh cur isteach ar chórais náisiúnta aicmithe scaireanna. Ba cheart an chumhacht a thabhairt don Choimisiún an Treoir seo a fhorlíonadh trí na dréachtchaighdeán theicniúla rialála sin a ghlacadh trí bhíthin gníomhartha tarmligthe de bhun Airteagal 290 CFAE agus i gcomhréir le hAirteagail 10 go 14 de Rialachán (AE) Uimh. 1095/2010.*
- (19) *Tá sé tábhachtach freisin nach n-úsáidfí na cearta vótála feabhsaithe a ghabhann le MVS laistigh de raon feidhme na Treorach seo chun cosc a chur ar chuideachtaí dlí an Aontais maidir le cearta comhshaoil nó cearta bunúsacha is infheidhme a chomhlíonadh.*
- (20) *Tá an Treoir seo gan dochar do chosaint sonraí pearsanta, go háirithe Rialachán (AE) 2016/679 ó Pharlaimint na hEorpa agus ón gComhairle⁶.*

⁶ *Rialachán (AE) 2016/679 ó Pharlaimint na hEorpa agus ón gComhairle an 27 Aibreán 2016 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (An Rialachán Ginearálta maidir le Cosaint Sonraí) (IO L 119, 4.5.2016, lch. 1).*

- (21) Ós rud é nach féidir leis na Ballstáit cuspóirí na Treorach seo, eadhon roghanna cistiúcháin do chuideachtaí a mhéadú agus **FBManna** a dhéanamh níos tarraingtí, a ghnóthú go leordhóthanach agus, de bharr fhairsinge agus éifeachtaí na mbeart, gur **fearr** is féidir iad a ghnóthú ar leibhéal an Aontais, féadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta a leagtar amach san Airteagal sin, ní théann an Treoir seo thar a bhfuil riachtanach chun na cuspóirí sin a ghnóthú.
- (22) Chun forbairtí margaidh agus forbairtí i réimsí eile de dhlí an Aontais nó taithí na mBallstát ar chur chun feidhme na Treorach seo a chur san áireamh, ba cheart don Choimisiún athbhreithniú a dhéanamh ar an Treoir seo **taobh istigh de 4 bliana** tar éis dháta a **teacht i bhfeidhm chun measúnú a dhéanamh, inter alia, ar a iomchuí atá sé a raon feidhme a leathnú.**

- (23) I gcomhréir le Dearbhú Comhpháirteach Polaitiúil an 28 Meán Fómhair 2011 ó na Ballstáit agus ón gCoimisiún maidir le doiciméid mhíniúcháin⁷, ghlac na Ballstáit mar chúram orthu féin, i gcásanna a bhfuil údar cuí leo, doiciméad amháin nó níos mó a chur leis an bhfógra maidir lena mbearta trasuite, ar doiciméid iad lena mínítear an gaol idir codanna de threoir agus páirteanna comhfhreagracha na n-ionstraimí náisiúnta trasuite. I ndáil leis an Treoir seo measann an reachtóir go bhfuil údar cuí le doiciméid den sórt sin a tharchur.
- (24) Chuathas i gcomhairle leis an Maoirseoir Eorpach ar Chosaint Sonraí i gcomhréir le hAirteagal 42(1) de Rialachán (AE) 2018/1725 ó Pharlaimint na hEorpa agus ón gComhairle⁸ agus thug an Maoirseoir tuairim uaidh **an 6 Feabhra 2023**⁹,

TAR ÉIS AN TREOIR SEO A GHLACADH:

⁷ IO C 369, 17.12.2011, lch. 14.

⁸ ***Rialachán (AE) 2018/1725 ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nádúrtha a chosaint i ndáil le sonraí pearsanta a phróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus lena n-aisghairtear Rialachán (CE) Uimh. 45/2001 agus Cinneadh Uimh. 1247/2002/CE (IO L 295, 21.11.2018, lch. 39).***

⁹ ***IO C 65, 22.2.2023, lch. 2.***

Airteagal 1
Ábhar agus raon feidhme

1. Leagtar síos leis an Treoir seo comhrialacha maidir le struchtúir scaireanna ilvótaí (MVS) i gcuideachtaí a iarrann go ligfí isteach a scaireanna chun a dtrádála ar ***shaoráidí trádála iltaobhacha (MTFanna), lena n-áirítear margáí fáis FBManna***, agus nach bhfuil aon scaireanna acu atá ligthe isteach chun a dtrádála cheana féin ar ***MTF ná ar mhargadh rialáilte***.
2. ***Beidh feidhm ag Airteagal 5(4) freisin maidir le cuideachtaí a bhfuil struchtúr MVS acu agus a bhfuil a scaireanna ligthe isteach cheana chun a dtrádála ar MTF.***

Airteagal 2
Sainmhínithe

Chun críocha na Treorach seo, beidh feidhm ag na sainmhínithe seo a leanas:

- (1) ciallaíonn ‘cuideachta’ eintiteas dlíthiúil, atá ionchorpraithe mar cheann de na cineálacha cuideachtaí a liostaítear in Iarscríbhinn ***II*** a ghabhann le Treoir (AE) 2017/1132, ***a fhéadfaidh, faoin dlí náisiúnta, scaireanna a eisiúint agus a iarraidh go ligfí isteach a scaireanna chun a dtrádála ar MTF;***

- (2) ciallaíonn ‘scair ilvóta’ nó ‘MVS’ scair d'aicme scaireanna ar leith agus ar leithligh **I** ina ngabhann *níos mó vótaí in aghaidh na scaire* leis na scaireanna ná a ghabhann le haicme eile scaireanna ag a bhfuil cearta vótála maidir le hábhair atá le cinneadh ag cruinniú ginearálta na scairshealbhóirí **I** ;
- (3) ciallaíonn ‘struchtúr scair ilvóta’ nó ‘struchtúr MVS’ an struchtúr scaireanna de chuid cuideachta ina bhfuil aon aicme amháin scaireanna ilvótaí ar a laghad;
- (4) ciallaíonn ‘*margadh rialáilte*’ *margadh rialáilte* mar a shainmhínítear in Airteagal 4(1), pointe (21), de Threoir 2014/65/AE;
- (5) *ciallaíonn ‘saoráid trádála iltaobhach’ nó ‘MTF’ saoráid trádála iltaobhach mar a shainmhínítear in Airteagal 4(1) pointe (22), de Threoir 2014/65/AE;*
- (6) ciallaíonn ‘margadh fáis FBManna’ margadh fáis FBManna mar a shainmhínítear in Airteagal 4(1), pointe (12), de Threoir 2014/65/AE.

I

Airteagal 3

Glacadh nó modhnú struchtúir MVS roimh ligean isteach chun a dtrádála

1. *Áiritheoidh na Ballstáit go mbeidh sé de cheart ag **cuideachta** nach bhfuil a scaireanna ligthe isteach chun a dtrádála **cheana féin** ar **mhargadh rialáilte** nó ar **MTF struchtúr MVS** a ghlacadh chun **a** scaireanna a ligean isteach chun a dtrádála ar **MTF**. **Áiritheoidh na Ballstáit go ndéanfar cinneadh na cuideachta struchtúr MVS a ghlacadh ag cruinniú ginearálta na scairshealbhóirí ('cruinniú ginearálta') trí thromlach cáilithe ar a laghad mar a shonraítear sa dlí náisiúnta. A mhéid a bhaineann le struchtúr MVS a ghlacadh, ní bheidh sé mar choinníoll ag na Ballstáit go bhforálfar do chearta eacnamaíocha feabhsaithe le haghaidh scaireanna gan cearta vótála feabhsaithe.***

Chun críocha na chéad fhomhíre, i gcás ina bhfuil roinnt aicmí scaireanna ann, beidh an cinneadh maidir le struchtúr MVS a ghlacadh faoi réir vóta ar leithligh i ngach aicme scaireanna a ndéantar difear dá gcearta freisin.

2. ***Cuimseofar** leis an gceart chun struchtúr **MVS** a ghlacadh dá dtagraítear i mír 1 ceart cuideachta **struchtúr MVS** a ghlacadh sula n-iarrtar go ligfí isteach **a** scaireanna chun a dtrádála ar **MTF**.*

3. Féadfaidh na Ballstáit feidhmiú na gceart vótála feabhsaithe a ghabhann le *MVS* a chur mar choinníoll le ■ scaireanna *na cuideachta a bheith ligthe isteach chun a dtrádála ar MTF*.
4. *Áiritheoidh na Ballstáit nach gcuirfidh na gnólachtaí infheistíochta agus na hoibreoirí margaidh a bhfuil MTF á oibriú acu cosc ar scaireanna cuideachta a ligean isteach chun a dtrádála ar na forais go bhfuil struchtúr MVS glactha ag an gcuideachta i gcomhréir le mír 1.*
5. *Beidh feidhm ag an Airteagal seo freisin, mutatis mutandis, maidir le cuideachta nach bhfuil a scaireanna ligthe isteach cheana chun a dtrádála ar mhargadh rialáilte nó MTF, i gcás ina gcinneann an chuideachta sin struchtúr MVS atá ann cheana a mhodhnú d'fhonn a iarraidh go ligfí isteach a scaireanna chun a dtrádála ar MTF.*

Airteagal 4

Coimircí

1. Áiritheoidh na Ballstáit go mbeidh *coimircí iomchuí i bhfeidhm ag cuideachtaí a bhfuil struchtúr MVS acu a bhfuil a scaireanna le trádáil nó á dtrádáil ar MTF tar éis dóibh a gceart faoi Airteagal 3 a fheidhmiú chun foráil a dhéanamh do* chosaint leordhóthanach leasanna *scairshealbhóirí nach bhfuil MVS ina seilbh acu. Chun na críche sin, déanfaidh na Ballstáit:*
 - (a) a áirithiú go ndéanfar cinneadh na cuideachta struchtúr *MVS a mhodhnú ar bhealach* a dhéanann difear do chearta vótála *scaireanna* a ghlacadh ag an gcrúinniú ginearálta trí thromlach cáilithe *ar a laghad* mar a shonraítear sa dlí náisiúnta, agus a áirithiú go mbeidh *cinneadh den sórt sin* faoi réir vóta ar leithligh *i ngach aicme scaireanna a ndéantar difear dá gcearta;*
 - (b) *tionchar MVSanna* ar an *bpróiseas cinnteoireachta* ag an *gcrúinniú* ginearálta a theorannú trí *cheann amháin ar a laghad* de na nithe seo a leanas a thabhairt isteach:
 - (i) cóimheas uasta *líon na vótaí atá i gceangal le MVSanna le líon na vótaí atá i gceangal le scaireanna a bhfuil na cearta vótála is lú acu;*

(ii) ceanglas a thabhairt isteach *maidir le cinntí arna ndéanamh ag an gcruinniú ginearálta atá faoi réir thromlach cáilithe na vótaí arna gcaitheamh mar a shonraítear sa dlí náisiúnta, cé is moite de chinntí maidir le comhaltaí de chomhlachtaí riaracháin, bainistíochta agus maoirseachta na cuideachta a cheapadh agus a bhriseadh as a bpost, agus cé is moite de chinntí oibriochtúla a bheidh le déanamh ag comhlachtaí den sórt sin a chuirtear faoi bhráid an chruinnithe ghinearálta lena bhformheas freisin, ceanglas go nglacfar na cinntí sin:*

(1) *trí thromlach cáilithe, mar a shonraítear sa dlí náisiúnta, de na vótaí a caitheadh agus de cheachtar den scairchaipiteal a raibh ionadaíocht aige ag an gcruinniú ginearálta nó de líon na scaireanna a raibh ionadaíocht acu ag an gcruinniú ginearálta; nó*

(2) *trí thromlach cáilithe, mar a shonraítear sa dlí náisiúnta, de na vótaí a caitheadh, agus faoi réir vóta ar leithligh laistigh de gach aicme scaireanna a ndéantar difear dá gcearta.*

2. Féadfaidh na Ballstáit foráil a dhéanamh maidir le coimircí breise chun cosaint leordhóthanach a áirithiú do *leasanna scairshealbhóirí nach bhfuil MSV acu*. Féadfar a áireamh ar choimircí den sórt sin, go háirithe, *forálacha chun cosc a chur ar* na cearta vótála feabhsaithe a ghabhann le *MVSanna de bheith ann tar éis an méid seo a leanas a dhéanamh:*

(a) a n-aistriú chuig tríú páirtithe nó ar bhás, éagumasú nó scor shealbhóir bunaidh na *MVSanna* sin (clásal éagtha aistriú-bhunaithe);

- (b) tréimhse ainmnithe ama (clásal éagtha ambhunaithe);
- (c) tarlú teagmhais shonraithe (clásal éagtha teagmhasbhunaithe).

■

Airteagal 5

Trédhearcacht

1. Áiritheoidh na Ballstáit go ndéanfaidh cuideachtaí a bhfuil struchtúr *MVS* acu a bhfuil a scaireanna le trádáil nó á ■ dtrádáil ar mhargadh fáis FBM, ***tar éis dóibh a gceart faoi Airteagal 3 a fheidhmiú, an fhaisnéis a liostaítear i mír 3 den Airteagal seo a áireamh sna doiciméid*** seo a leanas:

- (a) ***an réamheolaire dá dtagraítear in Airteagal 6 de Rialachán (AE) 2017/1129 ó Pharlaimint na hEorpa agus ón gComhairle¹⁰, an réamheolaire eisiúna Fáis de chuid an Aontais dá dtagraítear in Airteagal 15a den Rialachán sin nó an doiciméad iontrála dá dtagraítear in Airteagal 33(3), pointe (c), de Threoir 2014/65/AE, cibé acu a fhoilsíonn an chuideachta; agus***

¹⁰ ***Rialachán (AE) 2017/1129 ó Pharlaimint na hEorpa agus ón gComhairle an 14 Meitheamh 2017 maidir leis an réamheolaire atá le foilsiú nuair a thairgtear urrúis don phobal nó nuair a ligtear isteach iad chun a dtrádála ar mhargadh rialáilte, agus lena n-aisghairtear Treoir 2003/71/CE (IO L 168, 30.6.2017, lch. 12).***

(b) *an tuarascáil airgeadais bhliantúil dá dtagraítear in Airteagal 78(2), pointe (g), de Rialachán Tarmligthe (AE) 2017/565¹¹ ón gCoimisiún, i gcásanna inar tháinig athrú ar an bhfaisnéis dá dtagraítear i mír 3 den Airteagal seo ó foilsíodh an fhaisnéis sin go deireanach sa réamheolaire, sa réamheolaire eisiúna Fáis de chuid an Aontais nó sa doiciméad um ligean isteach dá dtagraítear i bpointe (a) den mhír seo nó sa tuarascáil airgeadais bhliantúil roimhe sin.*

2. *Áiritheoidh na Ballstáit go ndéanfaidh cuideachtaí a bhfuil struchtúir MVS acu a bhfuil a scaireanna le trádáil nó á dtrádáil ar MTF nach bhfuil cláraithe mar mhargadh fáis FBM, tar éis dóibh a gceart faoi Airteagal 3 a fheidhmiú, an fhaisnéis a liostaítear i mír 3 den Airteagal seo a áireamh sna doiciméid seo a leanas:*

(a) *an réamheolaire dá dtagraítear in Airteagal 6 de Rialachán (AE) 2017/1129, an réamheolaire eisiúna Fáis de chuid an Aontais dá dtagraítear in Airteagal 15a den Rialachán sin, nó aon doiciméad um ligean isteach a cheanglaítear leis an dlí náisiúnta nó le rialacha MTF ábhartha, i gcásanna ina bhfoilsíonn an chuideachta réamheolaire nó doiciméad den sórt sin; agus*

(b) *aon tuarascáil airgeadais bhliantúil a cheanglaítear leis an dlí náisiúnta, i gcásanna nár foilsíodh an fhaisnéis dá dtagraítear i mír 3 cheana, nó inar tháinig athrú uirthi ó foilsíodh an fhaisnéis sin go deireanach, sa réamheolaire, réamheolaire eisiúna Fáis de chuid an Aontais nó sa doiciméad um ligean isteach dá dtagraítear i bpointe (a) den mhír seo nó sa tuarascáil airgeadais bhliantúil roimhe sin.*

¹¹ *Rialachán Tarmligthe (AE) 2017/565 ón gCoimisiún an 25 Aibreán 2016 lena bhforlíontar Treoir 2014/65/AE ó Pharlaimint na hEorpa agus ón gComhairle maidir le ceanglais eagraíochtúla agus coinníollacha oibriúcháin do ghnólachtaí infheistíochta agus téarmaí sainithe chun críoch na Treorach sin (IO L 87, 31.3.2017, lch. 1).*

3. ***Is éard atá san fhaisnéis dá dtagraítear i míreanna 1 agus 2 faisnéis mhionsonraithe maidir leis an méid seo a leanas:***

- (a) struchtúr **scaireanna** na cuideachta, **le léiriú ar na haicmí éagsúla scaireanna, lena n-áirítear scaireanna nach ligtear isteach chun a dtrádála**, agus, i gcás gach aicme scaireanna:
- (i) na cearta agus na hoibleagáidí a ghabhann leis na **scaireanna san aicme sin**,
- (ii) an céatadán den scairchaipiteal iomlán nó den **líon iomlán scaireanna a dhéanann na scaireanna san aicme sin ionadaíocht orthu**, agus
- (iii) agus líon iomlán na **vótaí a dhéanann na scaireanna san aicme sin ionadaíocht orthu**;
- (b) aon srianta ar aistriú **scaireanna**, lena n-áirítear ■ comhaontuithe idir scairshealbhóirí arb eol don chuideachta iad agus a d'fhéadfadh **srianta den sórt sin** a bheith mar thoradh orthu;
-
- (c) aon srianta ar chearta vótála **scaireanna**, lena n-áirítear ■ comhaontuithe idir scairshealbhóirí arb eol don chuideachta iad agus a d'fhéadfadh **srianta den sórt sin** a bheith mar thoradh orthu;
- (d) céannacht, **más eol don chuideachta í**, na scairshealbhóirí a shealbhaíonn MVS **arb ionann iad agus níos mó ná 5 % de chearta vótála na scaireanna uile sa chuideachta**, agus céannacht na **ndaoine** nádúrtha nó na n-eintiteas **dlítheanach** atá i dteideal cearta vótála a fheidhmiú thar ceann na scairshealbhóirí sin, i gcás inarb infheidhme.

Chun críocha phointe (d), i gcás inar daoine nádúrtha iad na scairshealbhóirí nó na daoine atá i dteideal cearta vótála a fheidhmiú thar a gceann, ní cheanglófar chun a gcéannacht a nochtadh ach a n-ainmneacha a sholáthar.

I

4. *Ceanglóidh na Ballstáit ar ghnólachtaí infheistíochta agus ar oibreoirí margaidh a bhfuil MTF á oibriú acu a áirithiú, trí na caighdeáin theicniúla rialála arna nglacadh i gcomhréir le mír 5 a chomhlíonadh, go ndéanfaidh na gnólachtaí infheistíochta agus na hoibreoirí margaidh sin scaireanna cuideachtaí a bhfuil struchtúir MVS acu a ligtear isteach chun a dtrádála ar an MTF sin a shainaithint amhlaidh go soiléir. Ceanglóidh na Ballstáit ar na cuideachtaí sin freisin, i gcomhréir leis na caighdeáin theicniúla rialála sin, na gnólachtaí infheistíochta ábhartha agus na hoibreoirí margaidh ábhartha a chur ar an eolas gur ann do struchtúir MVS.*
5. *Forbróidh an tÚdarás Eorpach um Urrúis agus Margái (ESMA) dréachtchaighdeáin theicniúla rialála chun a shonrú conas a dhéanfaidh na gnólachtaí infheistíochta agus na hoibreoirí margaidh dá dtagraítear i mír 4 scaireanna cuideachtaí a bhfuil struchtúir MVS acu a shainaithint. Sonrófar sna dréachtchaighdeáin theicniúla rialála sin freisin conas a chuirfidh na cuideachtaí sin na gnólachtaí infheistíochta ábhartha agus na hoibreoirí margaidh ábhartha ar an eolas gur ann do na struchtúir MVS sin. Agus na dréachtchaighdeáin theicniúla rialála sin á bhforbairt aige, a mbeidh sé mar chuspóir acu sainaithint shoiléir dá dtagraítear i mír 4 a áirithiú, cuirfidh ESMA san áireamh caighdeáin mhargaidh sheanbhunaithe agus cleachtais dhea-fheidhmiúla chun cuideachtaí a bhfuil struchtúir MVS acu a shainaithint.*

Cuirfidh ESMA na dréachtchaighdeáin theicniúla rialála sin faoi bhráid an Choimisiúin faoin ... [12 mhí ó dháta theacht i bhfeidhm na Treorach seo].

Déantar cumhacht a tharmligean chuig an gCoimisiún chun an Treoir seo a fhorlíonadh trí na caighdeáin theicniúla rialála dá dtagraítear sa mhír seo a ghlacadh i gcomhréir le hAirteagail 10 go 14 de Rialachán (AE) Uimh. 1095/2010.

Airteagal 6

Athbhreithniú

Faoin ... [4 bliana ó dháta theacht i bhfeidhm na Treorach seo], cuirfidh an Coimisiún tuarascáil faoi bhráid Pharlaimint na hEorpa agus na Comhairle maidir le cur chun feidhme agus ***éifeachtacht*** na Treorach seo, ***lena n-áirítear maidir lena iomchuí atá sé raon feidhme na Treorach seo a leathnú.*** Chuige sin, faoin ... [3 bliana ó dháta theacht i bhfeidhm na Treorach seo], cuirfidh gach Ballstát faisnéis ar fáil don Choimisiún, go háirithe, maidir leis an méid seo a leanas:

- (a) an líon cuideachtaí ***a bhfuil struchtúr MVS acu*** a ligeadh isteach chun a dtrádála ***ar gach MTF agus ar gach margadh rialáilte sa Bhallstát ar nó roimh an ... [2 bhliain lúide lá amháin ó dháta theacht i bhfeidhm na Treorach seo]*** agus na cuideachtaí sin a ligeadh isteach chun a dtrádála ***ar gach MTF agus ar gach margadh rialáilte sa Bhallstát ina dhiaidh sin;***

- (b) an earnáil ina **raibh** na cuideachtaí dá dtagraítear i bpointe (a) gníomhach agus an caipitliú faoi seach tráth **an ligin isteach chun a dtrádála**;
- (c) **i gcás ina mbíonn fáil orthu ag an mBallstát**, na **coimircí** d'infheisteoirí arna gcur i bhfeidhm ag na cuideachtaí dá dtagraítear i bpointe (a) i ndáil le struchtúir **MVS**.

Airteagal 7

Trasuí

1. Na forálacha reachtaíochta, rialúcháin agus riaracháin is gá chun an Treoir seo a chomhlíonadh, déanfaidh na Ballstáit iad a thabhairt i bhfeidhm faoin ... **/2 bhliain ó dháta theacht i bhfeidhm na Treorach seo/**. Cuirfidh siad an Coimisiún ar an eolas faoin méid sin láithreach. Nuair a ghlacfaidh na Ballstáit na forálacha sin, beidh tagairt iontu don Treoir seo nó beidh tagairt mar sin ag gabháil leo tráth a bhfoilsithe oifigiúil. **Cinnfidh na Ballstáit an bealach le** tagairt den sórt sin **a dhéanamh**.
2. Déanfaidh na Ballstáit téacs phríomh**bhearta** an dlí náisiúnta a ghlacfaidh siad sa réimse a chumhdaítear faoin Treoir seo a chur in iúl don Choimisiún, **lena n-áirítear aon choimircí dá dtagraítear in Airteagal 4(2)**.

Airteagal 8
Teacht i bhfeidhm

Tiocfaidh an Treoir seo i bhfeidhm an fichiú lá tar éis lá a foilsithe in *Iris Oifigiúil* an Aontais Eorpaigh.

Airteagal 9
Seolaithe

Is chuig na Ballstáit a dhírítear an Treoir seo.

Arna dhéanamh i/in/sa ...,

Thar ceann Pharlaimint na hEorpa

Thar ceann na Comhairle

An tUachtarán

An tUachtarán